

藝

菊

志

藝菊志八卷

嘉定陸廷燦扶照氏輯

題槎溪藝菊圖

記

張雲章

植物之有菊其百卉之可貴而尤異者乎凡物之芳
菲其發也速則其隕落亦易挑之始華於仲春桐則
春之季其他爭妍鬪麗於艷陽之日者不可勝舉而
蘭蕙之族則滋于春夏之交人以其國香貴之要皆
不待寒氣之凜慄繁霜之肅殺而已灰飛烟滅矣獨

菊之爲物當草木變衰之候而敷榮發秀歷久而不
萎靡如端人正士挺後凋之節是故屈子爲之餐英
陶公愛其佳色自來詞人墨客未有敢狎昵之者豈
非別異于羣卉而爲可貴之尤者乎顧其種類嘗獨
盛于東南而吾邑之藝植者尤多二三十年之間變
態百出種愈奇者開彌晚自重九以迄于長至其炳
耀常不絕以此畛坡之菊于東南尤爲冠絕矣陸子
扶照讀書嗜古奉其尊人陶圃先生爲園槿水之上
名葩異卉列植交蔭與臺榭巖石相上下而扶照尤
喜藝菊治地其中命園丁相其氣候物性之宜而日

加工焉由根莖之萌而護芽分種培壅灌溉插竹以
扶之編葢以蓋之風日之酷烈不得而侵剪剔其蠹
敗以漸觀其枝葉之扶疎于是裊露而含英經霜而
散彩至點以微霞而猶有傲然之色噫此雖花之出
類拔萃非由人力之勤曷致是歟世之求近功速效
者其相賞止頃刻之間推之物理亦何莫不然歟乃
陸子之藝之也其意尤有異曰吾將以奉吾親也本
草言菊能輕身延年淵明詩言菊可制頽齡郭景純
曰仙客薄采何憂華髮扶照之爲此非徒欲其親娛
心志悅耳目將益以增親之壽于無極也因乞虞山

石谷子爲繪圖而以記屬余余以百卉中旣莫有如
菊者菊之盛推東南而莫如吾粵今陸子園中之菊
又冠于粵陸子之所好莫與尚矣古之愛菊推淵明
而陸子與之等顧淵明之愛之也以自奉而陸子以
奉其親淵明以高而陸子以孝不尤有異乎石谷工
繪事于今爲天下第一又爲之圖以張其事而工乎
詩者將系以歌咏其傳于久遠也必矣

詩

宋肇

竹栢周遭映四鄰茅堂瀟洒葛天民桃源只在柴桑

里却笑時人浪問津

其二

塔下牽衣通子戲門前拄杖老龐來
孺人好爲開新醞莫負秋香一院開

朱葵尊

南陽菊水最延齡
徧種陶公柳下庭
日永山齋無俗事
更牋墨史譜茶經

其二

膠城花石愛堆槃
定武紅瓷尺半寬
爭似王郎寫橫幅
滿籬秋色恣君看

李振裕

但是高人能餌术從來佳士愛餐英東籬幽處無人到只有柴桑識此情

其二

落葉填門靜不喧茗香酒冽淡忘言須知佚老堂中景樹菊原來勝樹萱

張雲翼

酈縣從誇有菊泉槎溪秋色倍嫣然一尊攜向花叢醉無數斑衣遶膝前

其二

滿園異種放花遲
画裏傳來訝不知
甘日重陽無限好
爲娛衰白坐題詩

王揆

愛共柴桑結比鄰
聊從老圃作堯民
菊潭此去無多路
試向槎溪一問津

其二

野禽啄蕚雙雙下
寒蝶尋香故故來
儘有南山供望眼
柴門雖設不須開

唐孫華

芳菊開秋序
花從少後珍
幽姿憐靜女
傲節稱高人

種費三時力香留一月新
南陽泉味好持奉板輿親
其二

瑰異矜千品嘉名本治藹
影宜臨素壁賞合置華堂
澆酒逢秋令看花愛晚香
紛披圖画裏風景似重陽

王模

名園栽菊爲娛親
甘谷延年足養真
較勝東籬陶處士
看花對酒獨怡神

其二

五色紛披百種妍
幽姿偏自傲霜天
誰如烏目山人筆
染盡秋容滿蜀箋

王原祁

通隱風流鬢尚青
繞籬花發酒初醒
餐英自得長生訣
不讀離騷一卷經

其二

閒向南山採翠嵐
況當秋滿徑三三
兒郎頻進胡公水
傲殺淵明有五男

毛師柱

披圖想高風
彷彿陶家宅
東籬繞黃花
遙映山光碧
秋閒了無事
祇喜親心適
真樂本天倫
看花乃其跡
丹青寫幽曠
曾及南村客
安得花間遊
斯景更斯夕

王詰生

卓爾陶公百世師東籬采菊見山時披圖會得柴桑
意絕勝長吟飲酒詩

其二

閒說香泉飲大年羨他娛老得神仙鮮民裒露今無
分題罷吟箋一泣然

王原

柴桑舊里是耶非種菊娛親雅事稀花到秋深能五
色不須身著老萊衣

其二

蓮因茂叔名增重梅爲孤山品愈尊若判東籬霜下
保桮溪應不讓南村

陳宗石

積石栽花著綠褰鷄豚社賽喜相過泉餐沆瀣南陽
叟酷愛番出崔菊坡

其二

林園開道比檀園獨對秋容把一尊添得輞川蒼翠
色晚香籬落欲銷魂

周儀

檀園主人槎上居我昔夢見寧非虛今來把卷一見

之況有采采之東籬松風謾謾泉鄰鄰是中巖石堪
着身長餐落英不知老譜就南陔詩更好豈惟勝地
續前賢陸郎養親名與懷橘傳

鳴珂

蕭疎三徑石鄰鄰化日光中作逸民賓從如雲滿溪
閣仙源何必問迷津

其二

能文有子兼結客魯向中丞問字來一卷晚香自怡
悅綿津寶硯爲君開

其三

餐英聞道好延齡况復琳瑯滿謝庭家慶優游良足
羨不須導引學熊羆

其四

槎溪自昔集教黨仰止高風在澗寬擬向秋風乘一
葉平原十日共君看

張雲章

最是東籬引興長百般佳色上君堂世間繁艷知多
少誰似黃花晚節香

其二

中園聞有孝魚泉移得南山在眼前更取金英照杯

酒陶翁爭得不陶然

楊中訥

山色秋更潔晚英寒正開
命童掃落葉延客踏霜苔
相賞新花蕊誰識舊根荄
三時資料理一日暫徘徊
人生欣所託物類必有諧
雖然勞灌溉止畏無安排
地饒松與竹胸謝棘與柴
俯仰天地外羲皇安在哉
桃源亦何有五柳寄俳詼
豈如此圖真人間絕氛埃
遺世與入世一笑付深杯

孫致彌

怡傍檀園舊址鄰
疏泉疊石訪先民
閒身正好營三

徑不擬塵中競要津

其二

傳延年可制顏齡養志深心見過庭歲種寒香三十
畹劉蒙諸苗竟陵經

其三

辛勤穀雨分秧遠釋絡重陽載酒來在莒願君心莫
忘山塘五月見花開

其四

何日歸與其考槃栽花地少半弓寬與君歲月皆天
賜三百年須盡醉看

錢顧琛

我是淵明一後身
籬邊喜見菊花新
如何壯志稱英銳
也學蕭閒無事人

其二

天桃穠李鬬春光
應讓黃花晚節香
更爲延年宜采菊
故栽百本奉高堂

周龍藻

膠城菊蕊冠吳中
種入槎溪覺更工
洗盡世間兒女態
獨將正色壓青紅

其二

天然標格出風塵下筆蕭疎妙寫真欲向南村共晨
夕此圖便當素心人

趙利

積玉曾將元圃誇於今籬畔有黃花分明五柳先生
宅未許投閒度歲華

其二

椿茂萱明飯鹿門更餘黃菊滿東軒摘來釀就延齡
酒好奉堂前醉弄孫

王奕清

仙方曾許制頽齡况有幽葩爛滿庭嗅蕊餐英無限

好細說名品註騷經

其二

界町分畦路屈盤版輿瀟洒北堂寬
畫中此景依稀記曾向閒居賦裏看

王時鴻

山齋秋賞最宜人花發東籬位置新
風緊霜淒存傲氣笑他紅紫只爭春

其二

花時可許放扁舟把酒持螯話舊遊
怕爾身償書債去柴桑未必久淹留

輅

白鶴江濱好卜鄰
平泉花木臥堯民
晚香亭畔天倫樂
坐看雲龍起漢津

其二

驪城花卉虞山圖
二妙驚從一處來
更讀廣平題咏句
陸家秋色錦箋開

朱端

名園松竹鬱成林
最愛芳叢色似金
不是丹青知此意
依依誰見種花心

其二

晚節清香屬此花
託身合在地仙家
遙知白髮扶筇日
薄似斑衣進紫霞

趙俞

素領飄飄老逸民
滿園秋色鎖松筠
籬邊自有悠然意
不盼江州送酒人

其二

歎息斯花愛肯稀
尋常劍啄不開扉
爲花特地求知己
却待陶潛薄宦歸

徐秉義

名園紅紫媚春光
繪得秋花足傲霜
知爾承歡多樂

半好將菊水佐霞觴

其二

遺世忘憂靖節詩華川冒雨亦尋之何當放艇槎溪
畔步履東籬酒一卮

汪士鋐

鹿車誰結梁鴻婦歷齒蓬頭黃霸兒時昇籃輿扶竹
杖先生側帽過東籬

王謩

不種東門子母瓜霜風晚節有黃花江鄉今日槎溪
路共捐柴桑處士家

其二

漫道仙儒貌不肥
制齡真菊正芳菲
豈須更望王弘
使酒畔幽香滿綵衣

清肇振

愛蓮曾有說
藝菊罕聞圖
獨羨槎溪陸
高于處士逋
醉歌兼夙好
梳剔奉親娛
千載陶彭澤
逢君興不孤

侯開國

浦北岡南好結鄰
檀園相望憶先民
槎邊鶴上緣何
事只引漁郎一問津

其二

風莖月朶天隨句載酒看花得得來更喜画師添數筆不分寒燠滿籬開

其三

飲水餐英合百齡循陔采蘋樂趣庭分秧護葉勤儉約獨自揮鋤帶一經

其四

池上新篇繼考槃寤歌閒咏碩人寬吮毫莫漫輕相擬且向耕烟卷上看

章性良

一勺鄜泉飲得無林園點染足清娛披圖我亦懷彭

澤廣欲携筐採菊珠

吳廷楨

抱甕分泉灌藥闌花開常足奉清歡餐英善會騷人
句只當循咳咏采蘭

錢大鏞

汲得清泉好制齡柳當門徑竹窺庭東籬滿院黃花
發抱甕閒編耒耜經

其二

墻頭月上玉爲盤參佐三間老屋寬爲愛叢生開萬
朶遶畦長鏡自巡看

張棠

草閣疎籬豈不局
繞畦霜朶日晶熒
擷來松子成新饌
不羨仙山鶴有翎

宸鎔

迺與淵明共結鄰
東籬雅趣步先民
琴書客至如相問
幽似潯陽不隔津

其二

十畝亭園在塵境
每逢高士踏歌來
廚中每得霜螯巨
箸葉封瓶特地開

金光被

彭澤高風不易攀平原借此駐親顏東籬日進霜花
酒那羨萊衣五色斑

其二

一幅花圖彩筆描九秋三徑樂陶陶託根直比靈椿
樹共識桑榆晚節高

瀛萼

遙知小阮舞衣斑除却娛親百不關籬落黃花矜晚
節尊開綠酒駐童顏爭傳摩詰層巒好絕肖淵明十
畝閒便擬泛槎槎水上一枝插鬢醉中還

汪際遇

名園百卉競芬芳晚節東籬菊更香采進高堂能益
筭非關肥遯學柴桑

其二

異種秋葩晚最宜童顏鶴髮對霜枝當年太守一尊
酒爭比中丞兩首詩

吳旦裳

百花開盡始芬芳今古人皆重晚香領畧悠然見山
意結廬何地不柴桑

其二

人淡如花與淡宜傲霜浥露一枝枝莫嫌吟咏殊多

事圖書天然內有詩

名賦

繁華數種傍亭臺多植延年一種材不獨愛他名隱
逸只緣堪佐紫霞杯

其二

奉行如兄世所稀承歡膝下永無違幾回欲譜南陔
什筆力深慚束廣微

徐樹本

移將陶令柴桑景寫入斑衣萊子圖想得龐眉扶杖
至灌花才了便提壺

其二

瘞泥編竹待霜天
冷葉疎枝在眼前
直擬芙蓉同晚節
傲他百卉競春妍

楊大震

人從金谷羨繁華
誰是能栽霜後花
聞道機山丰韻好
東籬秀色勝陶家

其二

門開三徑日閒閒
吟得新詩不用刪
采菊籬邊供嘯傲
悠然把酒對南山

沈崑

桐風竹雨引初涼
潑翠山光落石床
信是延年有底
物乳泉新試菊苗香

其二

笋鞋和露破秋苔
向曉籬邊次第開
不用醉歸扶路
笑酡顏歲歲插花來

彭定求

粼東爛漫菊花秋
別植芳叢繞一丘
甫里先生遺韻
在家風千載擬同儔

其二

餐英好續離騷句
駐景偏宜抱朴方
曾寄霜枝荒徑

裏曉香掩冉挹縹緗

繆曰藻

東南佳種自膠城記得名花最有名
三徑夜深人獨立一庭秋月浸霜英

其二

淡紫輕黃散暮霞露華深處是陶家
閒來曳杖秋風裏白髮還簪九日花

時圯授

秋花歷亂助秋光獨以孤芳傲肅霜
合與高人共晨夕展圖彷彿住柴桑

其二

奇花異卉足娛親更繪秋容歲歲新却笑東籬無此
樂今人何必讓先民

彭承憲

裛露籬間陶令思杖藜花下老萊持圖中省識商山
叟采菊何曾異采芝

其二

將比春花顏更長一枝分植滿園芳品題益信如君
子君子從來晚節香

楊志達

朕聞猶未試銀黃離下偏教柏晚香好奉版輿三經
裏龐翁人物似柴桑

其二

愛日堂前百卉肥春暉能永接秋暉機雲密記延齡
句遲把朝衫換彩衣

方世舉

一泓寒碧一籬香白荷長鑣自著行堂上白頭花映
肉分明菊本是南陽

其二

小園杞菊有家風紅乳還須種一叢好待夜深閒聽

取隔溪犬吠水聲中

葉後知

娛親豈籍一官榮
槎水園林見至情
聞道膠人爭種菊
不知誰復似先生

張有猷

異種禽花仙子栽
地供鶴髮笑顏開
魏公佳句當移贈
爲有香從晚節來

其二

焚明舊榮似君才
並蒂偏生錦繡堆
杞菊芳時重作賦
憑高迺興自眉臺

李愚

幽姿雅淡傲秋霜不逐春葩鬪冶粧千載却傳彭澤
愛只緣品格本相當

其二

先生逸興繼前賢偏植黃花譜自編願養獨高香節
晚秋光不老共年年

其三

階前蘭桂已森然娛老偏將菊引年扶杖嘯歌花似
我不因簪笏改林泉

其四

高風勁節樂天真滿幅清香寫入神何必重陽始放
萸披圖一覽一掀巾

金湖

家近槎溪一徑通高風原不在籬東千葩萬卉尋常
樣只許秋容伴老翁

周葵

種菊槎溪上依然懷橘風高堂垂髮白小圃夕陽紅
時進延齡水還扶靈壽筇陶家有通子曾否灌籬東

何國

圖書滿架酒盈樽鷄犬桑麻別有村莫道武陵前路

杳分明此地是桃源

潘鍾喈

應知延筭鶴同齡
繞膝芝蘭香滿庭
窈窕軒窗清似水
湘簾裴兒讀仙經

其二

共羨先生賦考槃
襟懷淡遠境逾寬
淵明風致還堪擬
栽遍黃花秋耐看

陳至言

爭傳懷橘有家風
更羨黃花三徑中
好共斑衣娛歲月
年年鶴髮笑顏紅

胡世璽

春花上苑尚遲遲
喜傲秋光人譜奇
昔日東籬逢靖節
今朝甘谷見希夷
制齡不羨長生術
得釀誰知甲子期
五美高懸留晚節
槎溪風景好題詩

高其阜

骨堅獨傲九秋霜
種入槎溪倍有香
餐盡落英人不老
斑衣戲舞日初長

其二

雅愛東籬一色秋
衝烟手種意何稠
莫言槎水非甘谷
會看頻添海屋籌

曹錫光

陶公遺愛已難儔
况復鍾情思更幽
酒獻浮屠成往蹟
秀餐甘谷彷彿餘
休園林久識秋香
滿繪画猶傳晚翠
優展玩留連忘日
永他年可許恣遨
遊

其二

秋花林立水還重
勝擬南陽卷軸逢
攜友不誇遊興遠
娛親惟覺寄情濃
泠泠譜出皆真液
色色傳來帶婉容
祇賸季思難著墨
細叅圖記想芳踪

柴畊方

名園處處有奇芳
獨愛槎溪植晚香
甘谷餐英人不

老故將疏漑乃親作

其二

愛菊非因爲學陶延年可使鶴齡高杯中迎露分千
采不比仙家餌木勞

其三

柴桑籬下徒供酒南海廚中僅作蔬
簞裏采苗家有賦合來鐫作養親書

其四

莫嫌遊宦隔趨庭堂上承歡有寧馨
千里秋風思漫起賴多逸友制頽齡

王式昭

槎溪菊圃國中傳絕勝
柴桑舊宅邊
奇種徧開清夜
露名花直接一陽天
餐英氣溢蒼顏外
把酒香生綵
服前
遙憶宦情重
出里南窗朶朶意中懸

胡世基

名園不道卽柴桑
尺幅傳來翰墨香
五美異花同絳
雪九華甘水比元霜
還將薄禾供親健
信是餐英載
酒忙
遊宦應知秋思遠
東籬遙憶徑添黃

吳詰

溪上秋光接水光
秋方爛漫水方長
移來甘谷千年

種散作斑衣兩袖香對酒有人真栗里餐英無日不
瀟湘誰將彩筆全摹出霜影煙姿襲錦囊

其二

采采東籬成習語高懷偏喜植寒葩豈綠冒雨尋秋
便總爲承歡伴綵斜但使香飄人不老何煩木餌壽
方奢寄言養志耽幽者有圃皆宜種此花

吳升

覓得黃花種最珍東籬灌溉費艱辛養從秋綻根方
固護以霜華色更新甘液茹來延上壽落英餐後益
精神朱顏鶴髮真堪羨懷橘家添種菊人

吳賀品

遙羨澄江如練光淵明風味意何長霜開白玉迎秋
爽籬綻黃金帶片香國同蕭疎餘孝思莖蓼貞勁吐
奇芳爭傳懷橘今添侶愧把巴吟入錦囊

朱曙

名園百花茂偏愛菊花清華髮娛佳色顏齡制晚貞
效陶頻挹露羨屈自餐英展圖秋容美槎溪酒共傾

楊金

膠城秋色總稱奇倍覺槎溪花事宜佛頂喜容開滿
院恰隨斑舞介龐翁

其二

誰將尺素繪林丘
點綴霜華第一流
持向慈恩堪獻壽
遙同甘谷紀春秋

郭鳳岐

種得名花愛晚香
籬邊朵朵傲秋黃
圓丁莫怯秋風冷
摘取金英進紫觴

其二

高人潑墨寫芳叢
尺幅千花奪化工
槎里何殊甘谷裏
一溪芳液壽仙翁

范具甲

種菊非因悟息機延齡端的爲親祈
離邊放出三秋景五色斑斕勝綠衣

其二

名園秋色闌霜姿四裏傳來擬未知
添得望中人載酒真成全幅小東籬

孟亮

花爲開遲獨出奇一天秋色到槎溪
幅巾藜杖閒貪看收拾冷香作晚蘼

其二

金菊叢開高士家柴桑別是一天涯
逢人共說陶公

愛那復更稱隱逸花

王鞏

招鷺集鳳事尋常覓得金翹佐壽觴
楚客如知應自悔餐英猶是負秋香

其二

懷中小橘耀金黃膝下承歡喜欲狂
爭似溪邊勤種菊西風吹放一庭香

陳正心

爲重延年種東籬託意深披圖花萬朶
難寫愛親心

張步瀛

畛城到處藝名花爭似槎溪有異葩墨史王郎傳國
手圖成筆底起烟霞

其二

近水園亭徧種花枝枝葉葉爛明霞秋光娛綵時開
宴不數柴桑處士家

唐宗聖

種菊九秋天用心敬且專務滋根本茂曲曲引流泉
刪去繁枝葉莫使蕙蘿牽清風琢玉盞旭日鑄金錢
夜息寒露潤香氣倍悠然老親見色喜得意欲忘年
開尊邀勝友醉到月娟娟人生有此樂居然陸地仙

王郎善丹青繪出古今傳

張光登

東籬久羨陶元亮藝菊園中更迥然不是掇英供嘯
傲分明戲綵娛高年寒香酒熟思韓節四韻詩成憶
帝賢莫道南陽甘谷好槎溪流水自潺湲

魯一貞

槎溪溪上老萊居三徑黃花奉板輿借問溪中花下
水菊潭芳冽較何如

其二

陶圃秋香晚更濃餐英把酒樂融融王郎肯寫千千

幅錫類還教徧大東

張大謨

陶公高雅是吾師人淡無言那得知
載酒蒲園舒曠眼悠然不盡性天時

其二

東籬但放幾枝鮮色笑堂前試一撚
愛日何妨終徙倚黃花須插滿頭妍

王晦

甫里由來景物嘉不爭濃艷愛清華
秋風采采東籬下翹視南山未有涯

其二

晚香流處見清泉
泉自仙源足引年
佳日相逢開口笑
與君沉醉鶴江邊

其質

聞說延齡有菊英
披罔逸興自然生
笑攜靈壽籬邊立
滿院精神尺幅橫

其二

黃花晚節古稱奇
繪出金精不老枝
若待秋深纔得見
一年一度費相思

培元

園亭秋興絕纖塵不升爭妍晚更珍端爲繁英能益
壽徧載山麓好娛親

其二

竹林深處數枝斜點染縱橫飽墨華魯望精神晉卿
筆宛然風景是陶家

張煒

一幅鴛溪染筆工寒香逕徑發霜叢不須浪引南山
句自是松陵舊世風

其二

窈窕名園曲曲籬淡烟疎雨一枝枝斑衣戲舞秋風

裏正是黃花初放時

張庭光

爛漫秋光一圓收晚香飄處興悠悠武陵實向膠城
結甘谷泉趨槎水流已羨園中誇壽客還從籬畔祝
仙籌名花好共萊衣舞豈學柴桑矯首遊

張世陳

卜築清幽似洞天課花著意傳延年非關欲踵陶家
事取作蟠桃便肯賢

其二

芳菲滿院不尋常更可延齡是晚香介壽堂前觴舉

日竟移春酒在重陽

周彝

昔君種菊槎溪上園林詩酒供跌宕前年種菊在松
滋阜北絳幃光陸離卽今種菊兼種花洞天三十六
層霞幔亭山色看不足武夷蒲住列仙家仙家名花
無不有紅紫斑斕堆瓊玖天際雙鳬冉冉來看花心
事常無負綠野堂邊萬木深階前流水雜鳴琴根莖
也應鋤非種琅玕瑤草自成陰語君種菊須種茶龍
團鳳餅詎足誇他年鬪茗樂無涯建溪香味果第一
待君歸看披垣花

王復禮

有引

歸去來辭云三徑就荒松菊猶存故周子云
菊花之隱逸者也陶後鮮有聞是淵明嘗愛
菊矣亦未有如陸園之美且多也然陶集中
無專咏菊詩其散見于他作者有五不揣足
成以續于貂後

秋菊有佳色樹近其處軒天倫得真樂忘憂何用萱
陶令自怡悅明府娛親顏同興不同調萬里看鴈塞
其二

請安視膳餘采菊東籬下試問欲何爲釀酒進杯盤

湧泉出孝魚懷橘勝龍鮓養志發祥長花開徧綠野

其三

黃白傳鄧州槎溪炫奪目晚香歲歲栽今生幾叢菊
五美逞千奇劉諧未曾錄壽客日承歡高堂膺弗祿

其四

甘谷手藝花年高老耕釣石谷花生手圓形稱墨妙
展卷鬪仙姿芳菊開林耀四時不凋時時供一笑

其五

玉露滋金蕊秋英被日精弘才號淹雅純孝感嚶鳴
晚圃黃花滿華堂白雲金蕊誠哉彭澤句菊爲制頽齡

黃叔琳

錦麟黃鶴溪堂種微葉疎莖太白詩寫入畫圖誰會
得劉家譜幘未曾知

其二

嘯傲東軒未有期紫英黃萼寄遐思鄧州移取栽花
縣想見啣觴良月時

陶淵明詠菊詩啣觴念
幽人又勝厭覺良月

彭始博

色養兼微祿黃花取次栽蕭然山下客時見舞衣開
甘谷遺嘉實秋畦勸舉杯前詩滿篋衍邇爲補南陔

戚麟祥

西風吹上傲霜枝
婉婉黃花晚節宜
千古高風陶令
最五男曾否灌東籬

其二

采蘭詩句補南陔
未抵延年入酒盃
費許栽培供色
笑一叢叢自爭心開

陳鵬年

鰥城花似錦堪佐舞衣斑
彭澤方娛老南陽可駐顏
餐英夕露下把酒東籬間
聞說潯安縣栽花徧萬山

邵璚

崇安邑宰臨民日
携得家園藝菊圖
不爲高堂駐晚

景落英滿地付花奴

其二

閩地有蘭魚鮓少

宋人品蘭以魚鮓爲第一

秋籬是菊鶴齡多知

君別有深情在種樹還師郭橐駝

其三

樽俎無由共唱酬故鄉風景望中收
蓉湖他日膠城路一棹槎溪紀勝遊

柴謙

秋色歸何處東籬菊正黃
傲霜貞晚節浥露孕幽芳
月引瓊漿溢花兼綵服香
娛親慰素志扶杖閱滄桑

潘允敏

詞寄清江紅

紫艷紅英有誰似
高人逸韻看一派東籬
秋色淡而彌永
冉冉香從零露發
珊瑚骨爲凌霜勁
問今朝好事復何如
柴桑徑 嚶城畔
風流剽檣煥上烟霞勝
羨花滿平泉松篁交映
可制顏齡殊不爽
以娛白髮 誠多慶料
只應子久染生綃堪持贈

田廣運

夢想陶家五柳莊
披來詩卷憶江鄉
遙知釀酒冬應熟
蔬圃新鋤試早霜

其二

琴書攜作建南行官舍秋花又結盟他日堂開成綠
野槎溪風雨正含情

衛良佐

宦塗相晤在南閩知是槎溪種菊人秋圃圖成題詠
徧爲傳歡劇白頭親

其二

百計承歡憶昔時家園尚有菊盈籬銅章綰作溪山
主更見栽花遍武夷

何樸

六洋昏海空雲烟檀園詩魂屬長夜

謂李長蘅先輩

風流

好事更誰家甫里先生住其下先生有子骨不凡手
挽銀河懷抱瀉用放翁句讀書尚友愛日長沿牆繞籬花
枝亞三時滋植寸草心百年服餌仙人借石谷寫花
花有神佳色深心無代謝一麾管領幔亭峯千里依
稀白雲舍遙憶花開把盞時糟牀滴瀝聲壓蔗坐看
三十六芙蓉兩袖風霜寒可怕却勝姹紫與嫣紅紛
紛開落黃鸝罵

林邵楷

潦盡潭泓秋已深遙聞琴署菊成陰幽姿不落春華
伍傲骨偏宜寒色侵政暇何妨頻寄興階閒惟此可

盟心慙予竟日酣遊玩卽景無能效郢吟

湯永寬

秋花原不比春花

用六句

耐久清香晚節誇名士超庭

添色養故園手植駐年華濂溪有愛池偏潔清獻無
營樹亦嘉信是行藏兼衆美承歡奚止在君家

馮柱雄

霜橘郎當兩袖藏黃花爛漫滿頭粧披圖雅見娛親
志槎水原來孝子鄉

其二

河陽花發滿琴堂菊與梅花競晚香春至探梅秋種

菊淵明清獻兩相當

周廣

秋園綴錦似飛霞秋色欣看晚可誇
三徑清風吹綠草一籬明月纔黃花
娛親正值詩情發延客還餘酒興賒
從此槎溪名已著傳來徧識使君家

顧嘉譽

佳色東籬遍吐金娛親不藉絲衣襟
霜毫好倩王郎手寫出春暉一片心

其二

栽培最久費精神總爲延齡寄意真
試問柴桑惟自

愛何如槎水爲天倫

鄭朝極

品花梅菊最稱優
梅占春芳菊占秋
清獻長留千古韻
東籬芬馥任君收

其二

臨池曾咏並頭荷

署中逸閑有雙頭之
瑞公爲賦詩紀勝

秋日更從菊

圃過却喜政閒搜
興趣種花不讓河陽多

劉秉鐸

爭妍吐蕊滿籬東
葉葉枝枝挂朔風
移向署閒閒賞鑒
相隨舞鶴立花中

其二

餐英自昔可延年
秋色芳菲映碧天
清獻遺梅高古
哲公侯愛菊繼前賢

其三

捧讀瑤篇遠俗情
絕如李杜句清新
效顰自愧難相
擬敢向詩壇結社盟

其四

淺白深紅根茁芽
荷殘喜有菊生涯
凌霜挺秀榮同
桂帶露含香味勝茶

金四德

不須琴鶴遠相隨
携得槎溪藝菊詩
花作斑斕飛綵袖
香流甘谷遠疎籬
滿懷磊落藏秋水
數徑清芬到武夷
豈獨獻梅多傲節
繪來霜傑兩爭奇

江清

娛親多種傲霜花
秋至東籬景更嘉
白映曙光渾皎玉
紅臨晚照染新霞
風飄嫩蕊盈盈動
日曬濃英故故斜
爲羨槎溪能孝養
清高端不讓陶家

丘天縱

高人蘊藉不尋常
卜得名園種傲霜
開徑清幽存養志
移叢點綴佐傳觴
承歡膝下花添色
覓句籬邊字

帶香雙袖翩翩長舞綵一年一度領芬芳

賴元巖

使君栽菊不虛名
閒涉園中趣自生
玉露涼滋秋色瘦
金風冷透晚香清
長懷往日矜高節
更喜延年咀落英
勝過柴桑陶令種
羣公幽賞酒杯盈

吳亦璘

槎溪家學有淵源
懷橘曾傳孝子門
祇爲娛親頻種菊
偶因愛客復開樽
香分歷落花三徑
秋綻紅黃錦一園
撫卷宛然聆色笑
斑衣遙憶昔晨昏

其二

陶公千古有知音
開逕承歡用意深
藝菊未忘孺慕
性披圖如見養親心
尊傾玉液香盈座
秋滿閒庭鶴
聽琴異日榮歸看
綠野籬邊蘭桂正森森

丘廷文

黃花勁節幾經秋
爲喜名流氣味投
籬下眼看欣色
艷槎溪靜寫展圖留
清同野鶴繞幽徑
香逾寒梅遍
碧洲菽水奉親多
種菊恒隨戲綠共優游

今天聰

自有寒花堪作壽
高蹤豈必效淵明
圖中白雪凌雲
和籬畔黃花挂月橫
馥馥香芬盈綠袖
悠悠秋色醉

餐英名山更喜歌仙吏攜得青梅又晉觥

劉師恕

環圃清波泛菊香槎溪景物似南陽飄然杖履西風外一逕穿花入壽鄉

其二

傲霜乃在開花後旦日先於展葉時晚節養成原不易秋風未到好扶持

鄭任綸

秋花自比春花好逸態高標足扶老禪花仙吏能娛親萬種千叢開霜早昔日鄉園已滿栽今朝官舍又

繁開晚時卧閣清風動散出寒香一絲來

龔鐸

我愛江南陸內史閉門無事種籬花霜風初冷金英綻占斷秋光是汝家

其二

却嫌桃李競春榮獨向花中捫隱名底事幽人偏愛惜此心已共歲寒盟

張世祺

花開晚節露香濃一片秋光三徑中疑是主人元亮侶原來把菊有家風

其二

把酒東籬痛咏頻多君樂事滿天倫批圖渾識槎溪
路他日扁舟好問津

秦道然

柴桑舊說幽人宅甫里新傳孝子家心切白華怡白
髮欲憑黃菊變黃芽團圓曉裏難禁露采采晨餐直
抵霞靈樹更逢栽植法後凋誰復記年華

宋筠

東籬結就槎溪上地近檀園最清曠萬花叢裏著書
成武夷却展新圖障家風甫里浩烟霞杞菊成畦更

種花北苑自應超顧渚試向晴牕品雪芽

郭孫順

讓土分叢卒歲忙由他凡卉競春陽嚴霜歷後繁英
茂傲骨從來重晚香

其二

扶持鳩杖步籬間紫蟹黃雞索笑顏種就夕陽秋一
片年年相映彩衣斑

其三

勝地名流跡未還百年風雅又君家披圖彷彿檀園
句秋入吾廬景物賒

其四

摘將芳瓣成仙醴
採取新苗佐野蔬
亦有小園秋色
菓草荒三選欲何如

陳嘉猷

園成藝菊生綃綵
選議槎溪陸氏園
養志獨能栽徑
遍延齡却喜綴
簾繁花承色笑傳
雙筆人賦金英勸
一尊更自板輿潘
縣去柴桑勝事重
璵璠

黃叔墩

瑟瑟孤芳月作鄰
把鋤三徑傲天民
甘泉湛澈瓷餅
汲厭浥瓊漿嗽玉津

其二

紫萼黃英相對出
露華霜蕊迭將來
槎溪遠繼柴桑
躑半畝芳園百本開

其三

誰剪鵝黃寫鶴翎
離披橫幅拓黃庭
金翹壽客南軒
侶惹得詞家注菊經

其四

名園結撰九秋榮
子舍精嚴杖履寬
花紉黃裳英綢
茹鼎烹絲舞等閒看

吳錫

潘令家園稱壽年栽花宜傍寢帷邊秋英唯愛南陽種冬筍應將孟氏傳醇醪甕頭人嬰鏤斑衣叢內舞黼黻承歡采拾多餘味五美同餐盡可仙

范長發

豈爲秋光託興孤尚餘三徑未全蕪悠然坐愛南山近好續淵明種菊圖

其二

橘井丹砂足引年杖藜況對九秋天知君雅有東籬興吸露餐英卽是仙

范允錡 詞寄喜遠鸞

披烟籠月被菊花占了重陽一節傲骨清妍長身勁
疎風度自然高潔種向小堂三徑插棘埋盆羅列須
記取是陳根重茂晚香全別 寒徹抵多少兒女枝
頭秋老都休歇栗里先生南陔孝子供養天花奇絕
紗帽隱囊相對玉蕊金英映發人盡道勝紆青拖紫
春穠如搗

郭微昨

百花開遍不曾開開日花枝已盡摧無限霜籬秋色
綏延齡常向北堂栽

其二

昔日南村卜築邊
接溪風味更悠然
倩他好手勾描出
留得佳名壽裏傳

孫紹曾

甫里名聞舊有聲
羣芳搖落重金英
獨看晚節侵晨翠
更挹秋容向夜明
嘉客登臨三徑近
椿庭呵護一身輕
河陽桃李都如錦
留得吳淞風韻清

高玠

宛爾東籬處士家
居然晚節擅清華
安仁空有閑居賦
不種人間冷淡花

其二

未到槎溪情自移
紫葢青筇盡
凡姿可能繪出徵君
意滿徑秋光泛玉卮

王資

粲粲東籬英
清光結
風輕盈盈手堪掬
濂溪每愛蓮
淵明偏愛菊
古人必會心
聊以媚幽獨
陸子負奇姿
寄情異流俗
秋色澹於人
對之悅心目
豈惟娛一時
曠懷更遐矚
菊潭水清淺
甘美可常服
以茲奉高堂
百齡應可卜
不憚灌溉勤
編籬復插竹
長使黃金色
敷榮滿空谷
老人畫作圖
烟雲生尺幅
粼粼水石間
吾願從適軸

傾仔

聞道槎溪集事賒承顏特自夢霜葩掇英已足供靈
藥句漏還思去問砂

其二

劇獲鋤芝事豈無制顏得藥又何須王維寫意東籬
外蒼翠南山是壽圖

吳之錡

聞道槎溪景最奇名花宜畫亦宜詩東籬好句南宮
筆都人披圖展玩時

程如絲

晚香莫訝菊開遲
移向溪園種幾枝
潘岳賦中芳思好
不須重擬和陶詩

李瓊清

不受春華閨艷陽
教童種菊向溪傍
三時養就幽人操
九月還舒晚節香
悵憶遺親傳世美
培英餐老達天良
披圖却信丹青好
描寫融融樂事長

陳世昌

冰姿皎皎自瑤臺
欲伴黃英帶露開
賦質似殊籬下種
鍊形疑是月中胎
光分吳苑凝腮粉
色借含章點額梅
雅稱使君純孝思
娛親晚節泛瓊杯